


“In life, it is important to know when to stop arguing with people and simply let them be wrong” Anon

2022 SEISOENALE OORSIG: RUSLAND

Die Russiese inval in die Oekraïne op 24 Februarie 2022 het skokgolwe wêreldwyd veroorsaak – met 'n wêreld wat steeds wankel onder 'n wêreldwye pandemie, is die inval deur die meeste nasies veroordeel. Die humanitêre impak van die inval, verlies aan lewens, en vernietiging van eiendom en lewensbestaan behoort nie in ons sogenaamde "moderne" wêreld te gebeur nie. Vanuit 'n Suider-Afrika se sitrusperspektief het ons met kommer toegekyk hoe die inval eskaleer – tussen 8 en 10% van Suider-Afrika se sitrus word na Rusland uitgevoer. Die CGA-verteenwoordiger in Rusland, Mikhail Fateev, het egter voorspel dat die inval min impak op Suider-Afrika se sitrusuitvoere na Rusland sou hê – en gelukkig bewys die syfers hom nou korrek. In teenstelling met alle verwagtinge, het die volume sitrus wat in 2022 na Rusland uitgevoer is, die vorige drie jaar se volumes oorskry.



Die afname in uitvoere van valencia-lemoene en pomelo's is opgemaak deur toenames in mandaryne, navel-lemoene en suurlemoene. Ten spyte van hierdie toename, sal uitvoerders na Rusland jou vertel dat uitvoere na die land baie moeilik was. Soos die seisoen begin het, was verskeppingsgeleenthede beperk aangesien sanksies 'n impak op handelsvloei gehad het. Die koste van verskeping na Rusland het ook aansienlik toegeneem, wat gelei het tot swak opbrengste aan die produsent vanaf daardie mark. Die meeste uitvoere is in “specialized bulk reefer” skepe verskeep – met 'n skip wat op 'n weeklikse basis vanuit Durban laai, en in die meeste gevalle Port Elizabeth en Kaapstad aandoen op pad terug.

